

Sarajevo, 11. 12. 2020. godine

**Obavještenje prijevoznicima koji obavljaju
međunarodni i međuentitetski linijski prijevoz putnika**

Uzimajući u obzir dalje zadržavanje prethodno uspostavljenih mjera većine zemalja članica EU, kao i zemalja zapadnog Balkana, u cilju smanjenja širenja pandemije COVID-19, Ministarstvo komunikacija i prometa Bosne i Hercegovine (dalje u tekstu: Ministarstvo) obavještava prijevoznike koji obavljaju međunarodni i međuentitetski linijski prijevoz putnika o mogućnosti podnošenja zahtjeva za privremenu obustavu prijevoza.

Članom 16. i 23. Zakona o međunarodnom i međuentitetskom cestovnom prijevozu („Službeni glasnik BiH“, broj 01/02 i 14/03, dalje u tekstu: Zakon), propisano je da se za vrijeme važenja dozvole iz člana 10. Zakona, kao i za vrijeme važenja odobrenog reda vožnje međuentitetske linije, prijevoz putnika može privremeno obustaviti kad nastanu i dok traju okolnosti koje prijevoznik nije mogao predvidjeti, a čije posljedice nije mogao otkloniti.

Stoga prijevoznici koji neće biti u mogućnosti u punom kapacitetu održavati registrirane linije (međunarodne i međuentitetske) mogu Ministarstvu podnijeti zahtjev za privremenu obustavu prijevoza za određene polaske ili linije u cjelini.

Zahtjev se može podnijeti od dana objave ovog obavještenja na portalu www.prometnedozvole.gov.ba, a obustava može trajati do 30. 4. 2021. godine. Ministarstvo će o zahtjevu odlučivati rješenjem i o istom upoznati nadležne kontrolne organe.